


LA CONSTITUZIUN FEDERALA ED IL VIN LOCAL U: DALS DAZIS A LAS TAGLIAS


Posta, duana, mesiras e paisas, munaida, regal da la pulvra da sajettar: Tut questas incumbensas èn vegnidas surdadas a la Confederaziun. Per il chantun Grischun è quai stà in problem, perquai che las entradas dals dazis, las entradas da las taxas da vias e da punts sco er il retgav da la posta chantunala cuvriivan ca. dus tschintgavels da sias expensas. Uschia è il chantun s'engaschè cun tut sias forzas per fasas transitoricas pli lungas e per cumpensaziuns adequatas per las entradas serudentas. A medem temp ha el però er examinà novas funtaunas d'entradas.



La Constituziun federala declera l'incassament da dazis sco chaussa da la Confederaziun. Sin il curt artitgel 23 suondan fin l'artitgel 32 ulteriuras disposiziuns detagliadas che pertutgan fitg sumegliantas chargias da taglia dal commerzi e dal traffic, uschia l'incassament da taxas da vias e da punts sco er da taglias da consum.

L'artitgel 32d cunteneva in scumond explicit per novas taglias da consum sin il vin local indigen. Per prevenìr a quest scumond aveva il Cussegl grond – a medem temp sco la Constituziun federala – laschè votar davart in project per l'imposiziun d'ina taglia sin il vin local. Cuntrari al project da la Constituziun federala era quest project da votaziun però vegni refusà cleramain. Previs era l'incassament d'ina taglia da consum dad ina gulda per in mesirin da vin (150 liters).

La colliaziun in pau bizara dal project constituziunal fitg impurtant cun ina «pitschna lescha da taglia» nunpopulara era resultada dal quità dal Cussegl grond per las finanzas publicas, n'era però betg gist stada in mussament per in talent psicologic – uschia la valitaziun da Peter Metz en sia «Istorgia dal chantun Grischun».



Ils cumenzaments da l'imposiziun da taglia directa en il chantun Grischun. Ultra da la taglia sin la facultad era prevista er ina taglia sin l'acquist, sco terz e quart punct suandavan «taxas per patentas da chatscha» ed ina taxa da chauns.

Beilage B zum Abschied [Vorläufer der heutigen „Erläuterungen zur Abstimmung“] des Grossen Raths vom 11. Nov. 1848.

Grundsätze für die einzuführende direkte Besteuerung, wie sie vom Grossen Rath vorläufig besprochen worden sind.

1. Der Kanton bezieht eine Vermögenssteuer nach progressiven Ansätzen.

a. Steuerpflichtiges Vermögen.

Steuerpflichtig ist, mit Vorbehalt der unten folgenden Ausnahmen alles im Kanton vorhandene, sowie auch alles ausser dem Kanton befindliche, aber Kantonseinwohnern zustehende Vermögen ...

Gia è l'emprima publicaziun, suenter che la Constituziun federala era vegnida acceptada, eran vegnids tramess ils 11 da november 1848 ils «Principis da l'imposiziun da taglia directa planisada» a las vischnancas. En il senn d'ina consultaziun duevan ellas s'exprimer en chaussa.


Ina tala imposiziun da taglia directa da las Lias n'avevi betg dà fin quest moment. Fin a l'introducziun hai anc durà in'urella. Il 1856 è lura però entrada en vigur l'emprima lescha da taglia. Cun quella ha cumenzà ina nova era per las finanzas chantunales.

L'onn 1850 èn suandadas tractativas cun la Confederaziun davart l'aboliziun dals dazis chantunals. Questas tractativas èn vegnidas terminadas ils 15 da matg cun ina cunvegna. Suenter che gia autras decisiuns da Berna concernent vias e dazis avevan grittentà ils Grischuns, eran las irritaziuns ussa spezialmain grondas. Il resultat vegniva considerà sco absolutamain insufficient; pretendì aveva il Grischun var 345 000 francs da valuta veglia. En il contract eran la finala vegnids fixads mo 200 000 francs. Da quels stuevan 80 000 vegnir pajads mo durant ina perioda limitada. La critica pertutgava er ils delegads grischuns che avevan negozià la cunvegna: il cusseglier naziunal e derschader federal Johann Rudolf Brosi (1807–1877) ed il cusseglier dals chantuns Anton Philipp Ganzoni (1800–1881). Tar las proximas elecziuns dal Cussegl naziunal n'è Brosi betg vegni reelegi.



L'ultima pagina dal Contract da duana da 1850 cun la sutscriziun dal president da la Confederaziun (Henri Druet), dal chancelier da la Confederaziun svizra (Johann Ulrich Schiess) e cun il sigil da palpri da la Confederaziun.

[Diese Ratifikations-Erklärung wird doppelt ausgefertigt und das eine Exemplar in das Eidgenössische Archiv nieder-] gelegt, das andere dem Kanton Graubünden zu seinem Behelf zugestellt.



La glista da dazis e da sumegliants incassaments abolids, ch'è cuntegnida en il Contract da duana, è impressiunanta.

Verzeichniss der in Artikel 1 zur Aufhebung bestimmten Zölle und Gefällen.

A. an Staatszöllen: alter Grenzzoll, Weggelder, Strassen-Prämien, Waaggebühren, Transitzoll, alter Brandiszoll, Tardis Brücken-zoll, Viehzoll

B. an Gemeinden etc. [eine grosse Zahl verschiedenartiger Gebühren wurde auch von Gemeinden und Privaten erhoben. Beispiele: Weggeld (verschiedene Gemeinden), Kaufhausgelder (Chur), Brücken-zoll (Planta, Schloss Reichenau), Holzzoll (mehrfach), Talzoll (Misox)]



Staziun da duana Spleia. Construida l'onn 1841, cumprada e surpigliada da la Confederaziun l'onn 1850.